

欽定平定陝甘新疆回匪方略目錄

卷二百十六至卷二百二十

同治九年三月戊辰至五月丙子

卷二百二十一至卷二百二十五

同治九年五月戊寅至十月丙申

卷二百二十六至卷二百三十

同治九年十月庚子至閏十月己丑

平定回疆方略卷一百一

卷二百三十一至卷二百三十五

同治九年十一月癸巳至十二月乙酉

卷二百三十六至卷二百四十

同治十年正月壬辰至二月庚寅

卷二百四十一至卷二百四十五

同治十年三月癸巳至五月己未

卷二百四十六至卷二百五十

同治十年六月庚申至八月己酉

卷二百五十一至卷二百五十五

同治十年八月丙戌至十一月癸巳

卷二百五十六至卷二百六十

同治十年十一月丙申至十一年二月戊辰

卷二百六十一至卷二百六十五

同治十一年二月辛未至六月丁丑

平定回疆方略卷一百二

卷二百六十六至卷二百七十

同治十一年六月辛巳至十一月戊戌

欽定平定陝甘新疆回匪方略卷二百十六 庚午年

三月初二日 戊辰 定安奏言據宋慶咨稱二月十

六日有回匪竄至準噶爾旗之雪背溝地方經

駐紮沙梁之毅軍副將程允和及宋慶所派總

兵馬玉崑等帶隊馳剿次日至雪背溝該逆正

在攻撲炭窩馬玉崑程允和各率馬步分路齊

進斃賊甚多逆衆奔竄我軍跟蹤窮追至鎮羌

平定回疆方略卷二百十六

一

以西山內各處搜捕餘匪潛竄無蹤訊據獲賊

供稱西南草地尙有大股回匪馬玉崑等連夜

督隊探剿宋慶擬率領麻地溝古城所駐各營

前往會剿臣已飛咨宋慶督飭各營認真剿辦

並飭總管達爾濟貝子扎那噶爾第各率所部

馬隊馳往兜擊務遏該逆東趨奏入

上命軍機大臣傳諭定安曰回匪在準噶爾旗雪背溝

地方攻撲炭窩經宋慶所部總兵馬玉崑等分路進

剿斃賊甚多追至鎮羌以西山內各處搜捕餘匪潛

竄無蹤據獲賊供西南草地尙有大股賊匪著定安

仍懷遵疊次諭旨催令宋慶督率所部迅速赴甯會

同金順各軍將甯靈等處竄匪力圖掃蕩並疏通北

路運道如西南草地果有賊股分擾卽飭令馬玉崑

等相機兜擊其達爾濟等所帶馬隊並著定安迅飭

平定回疆方略卷二百十六

二

該總管等馳往會剿以期遏賊東趨毋稍鬆勁

初七日 癸酉 劉典奏言提督劉端冕於二月初六

日由宜川縣屬之土林寺剿匪至韓城縣適回

逆竄至該縣靈官廟劉端冕卽率參將魏紀鑒

帶隊前往時駐防韓城之遊擊聶元發正在與

賊相持劉端冕督隊猛擊斃賊不少該逆竄至

邵陽縣屬之柏梁鎮旋竄至西吳莊盤踞初十

日總兵張佑庭等乘其不備攻入賊巢正斬殺
間忽有賊衆數千蜂擁而至張佑庭等見衆寡
懸殊憑堡猛擊斃賊甚多十一日劉端冕率軍
馳援會合張佑庭等分路迎擊賊衆大敗由蒲
城奔竄大荔華州臨渭地境連日搶渡渭河經
水師副將黃本富等悉力堵禦十二十三十四
等日該逆猛撲沙窩吊莊葉家灘解家渡槐芽

平定縣志卷三十六

三

鎮等處渡口均經我軍擊敗臣揣賊必上竄飛
檄總兵李輝武所部副將蕭德林等率隊赴高
陵堵剿劉端冕亦派遊擊胡得成等分駐蒲白
水扼賊回竄自與張佑庭等赴高陵截剿十五
日夜賊撲高陵城蕭德林等同率隊奮擊賊敗
向西竄忽有大股擁至敗賊亦皆回撲劉端冕
飭副將李日新率馬隊衝入將該逆截爲兩段

魏紀塋亦率隊趕到賊衆大敗計斬悍賊五六
百名敗匪又齊撲塔底花石渡口意圖搶渡涇
河復經刑部主事周瑞松督同副將李同心等
分途截擊斃賊甚多該逆乘夜繞由涇河上游
西竄十八日張佑庭追至醴泉境擊敗之是夜
又敗賊醴泉城下該逆向乾州武功奔竄適李
輝武率隊由寶雞東來將賊擊敗分途亂竄不

平定縣志卷三十六

四

復成隊附從游勇悉皆散去各軍復分路追剿
臣標中軍陳照臺由藍屋沿河扼剿該逆敗竄
甘肅靈臺縣之招賢鎮旋竄至甯州境遇道員
魏光燾一軍折竄涇州又經道員朱明亮擊敗
向西北竄去臣查回會馬長鳳秦三陳瞎子等
數千人裹挾游勇竄入北山勢甚兇悍經官兵
迎擊截剿疊有擒馘游勇又悉數衝散該逆之

竄回甘肅老巢者不過數百人實屬大挫兇鋒
現在陝境安謐已無賊蹤堪以仰慰

宸廑所有出力各員可否懇

恩分別給獎以昭激勸

劉典又奏言正月二十三二十四等日劉端冕
飭副將吳賢華勦馬正綱股匪於洛川屬之舊
縣段嶮寨等處殺賊百數十名餘賊北竄劉端

平定回疆方略卷三十六

五

冕督率親兵馬隊並調遊擊文忠義一軍星夜
由榆林橋橫出道左鋪攔擊又飭從九品謝咸
鳳等率隊繼進二十五日賊大股由黃甫鎮山
溝內衝出劉端冕飭文忠義督隊迎擊該逆排
隊迎戰總兵鄧有勝率馬隊衝殺謝咸鳳等從
賊後左右抄擊劉端冕自率親兵督陣吳賢華
由段嶮馳至併力夾攻賊衆拚命抗拒參將黃

清鴻槍斃賊目一名賊陣大亂我軍乘勢猛擊
斃賊三百餘名餘逆由山路奔竄劉端冕督率
隊伍扼截於甘泉屬之勞山二十六日進駐麻
子街分隊剿捕敗賊之遁伏深谷者擒斬殆盡
訊據逃出難民供稱回會馬正綱中槍斃命所
有此次出力及陣亡員弁懇

恩飭部分別獎卹出自

平定回疆方略卷三十六

六

逾格鴻施

劉典又奏言北山回土各匪經延綏鎮總兵劉
厚基派所部總兵田玉廣率隊探剿二月初三
日行抵綏德聞該逆踞清澗屬之馮家岔高家
岔何家老莊等處該總兵卽會同署綏德州知
州陳瑞芝進剿初六日各率隊伍直搗賊巢該
逆恃險抗拒我軍奮力猛擊立破村莊六座高

竄數十洞殺賊數百名生擒二百餘名該處踞匪悉數殲除惟定邊縣西境及花馬池一帶復有賊蹤竄擾阻截糧運並由安邊竄來逃勇一百名在蔣家寨一帶盤踞甯條梁附近之呂家寨亦有逃勇一二百名滋擾臣已飛飭署延榆綏道成定康等加意防範相機剿撫其劉厚基所部陣亡之副將康華亭千總劉秀逢擬保

把總外委胡登科請

旨交部議卹奏入

上命軍機大臣傳諭左宗棠劉典曰此次回匪紛竄陝疆圖絕甘軍糧道劉典督飭諸軍追剿疊獲勝捷該省已無賊蹤剿辦尙屬得手本日已明降諭旨將出力之提督李輝武等副將吳賢華等分別獎卹矣刻下金積堡賊巢甘軍圍攻甚緊其折竄甘境各匪難

保不勾煽餘黨復謀東犯牽掣進剿諸軍左宗棠當督飭在甘將士將金積堡相機攻取並檄飭派出援陝之軍將折回餘匪攔頭截擊務絕根株近日甯靈一帶軍情若何著隨時據實奏報以慰廑系劉典亦當嚴飭各處駐營力加防範不准稍涉疏虞馬正綱是否槍斃仍著確切查明此起零匪究係逃竄何處並著飭令在防將弁隨時偵探以期擒捕無遺清澗等處踞匪既經總兵田玉廣等殲除淨盡而定邊西境及花馬池一帶復有回蹤並由安邊竄來逃勇一百名在蔣家寨一帶盤踞甯條梁附近之呂家寨亦有逃勇一二百名是榆綏一帶防務尙未可鬆著劉典卽飭成定康等加意防維毋稍鬆勁惟陝省前次肅清之後凡地方騷擾半係土匪游勇勾結回匪此次安邊等處逃勇究由何營散出其從前管帶究

係何人若任其紛紛肆擾後患何可勝言著左宗棠劉典分飭各路帶兵官弁設法擒拏並查明該管營官從嚴叅辦一面將各處游勇妥籌安插分別遣散以靖地方劉厚基所部陣亡之副將康華亭千總劉秀逢擬保把總外委胡登科均著交部照例議卹

上

諭內閣曰陝西北山回逆竄犯腹地經官兵迎剿擊退復竄韓城郃陽蒲城大荔華州臨渭各境搶渡渭

平定縣志卷三十六

九

河經提督劉端冕總兵李輝武等分路截剿先後殺斃悍賊五六百名賊衆大敗其搶渡涇河賊股經主事周瑞松等擊竄後李輝武等復於乾州武功等處剿殺多名附從游勇悉數殲散餘逆竄回甘肅老巢陝省內地已無賊蹤剿辦尙爲得手仍著劉典飭令各軍實力跟追將竄匪游勇悉數殲除毋留餘孽所有此次出力之提督李輝武劉端冕傳開德均著交

平定縣志卷三十六

十

部從優議敘總兵張佑庭著賞加提督銜副將黃超羣蕭德林黃本富均著免補副將以總兵交軍機處記名請旨簡放陳照臺顏佑勝均著賞加總兵銜陳瑞齡著賞給該員祖父母父母二品封典參將魏紀鑒著免補本班以副將留於湖廣儘先補用並賞給剛勇巴圖魯名號遊擊唐成遂著以參將儘先補用並賞加副將銜記名總兵降補都司劉厚填著賞還提督銜副將楊遇泰著以總兵升用知府陳鴻藻著留於陝西遇缺卽補同知沈應奎著免補本班以知府仍留福建遇缺儘先補用知縣張承燮著免補知縣以直隸州知州分發省分歸候補班儘先補用鄧寶衡著賞戴花翎其餘出力文武員弁准由劉典擇尤保獎毋許冒濫另片奏劉端冕截剿回會馬正綱一股殲除殆盡請將出力及陣亡各員懇恩分別獎

卹等語提督劉聲集著交部從優議敘總兵鄧有勝
著賞給壯勇巴圖魯名號參將黃清鴻著免補參將
以副將儘先補用都司王世義著免補都司以遊擊
儘先補用遊擊文忠義著免補遊擊以參將儘先補
用把總蔡宗輝著以千總儘先補用並賞加守備銜
知縣譚成章著賞戴花翎童生沈僊標著以從九品
儘先選用從九品謝威鳳張鑑清均著免選從九品

平定回疆方略卷三十六

十二

以縣丞留於陝西儘先補用陣亡之擬保總兵副將
吳賢著擬保遊擊都司李金喜千總李成致擬保千
總把總畢宗永外委顧文魁擬保外委戴輝祥均著
交部照擬保官階陣亡例議卹餘著照所議辦理

劉典又奏言陝省因餉源枯竭所招營勇無多
復經左宗棠調遣赴甘又派往北山防剿內地
所存益少省防緊要惟恃城內標兵協同守禦

本年正月賊竄涇陽復將標兵派往助剿存城
兵不滿千愈形單弱幸同城司道府縣悉心任
事嚴密巡防是以該逆兩擾渭北距省只數十
里而城中商民照常安堵其尤爲出力之藩司
翁同爵督糧道趙新請

旨賞戴花翎前甯條梁失守案內摘去翎頂之延榆綏
道嵩壽請

平定回疆方略卷三十六

十三

旨賞還翎頂並懇
飭部免議所屬失守處分其餘出力官紳由臣存記彙
保以示鼓勵奏入

上又諭內閣曰此次甘肅回逆竄入陝西境內逼近省
垣經劉典督率該司道等布置巡防尙無遺誤在事
出力各員自應量予獎敘陝西布政使翁同爵督糧
道趙新均著賞戴花翎延榆綏道嵩壽著准其賞還

頂翎並寬免所屬失守處分其餘出力官紳著該署撫存記彙保毋許冒濫

同日協辦大學士湖廣總督李鴻章奏言

臣奉

命率師援陝自當豫籌布置查西北地形平曠非馬步

兼用不能得力賊騎飄忽尤非馬隊無以制勝

臣已飭湖北提督郭松林派員分赴皖豫趕募

馬隊五營步隊十營廣西右江鎮總兵周盛傳

平定回疆方略卷三十六

十三

趕募馬隊四營剋期齊集由鄂入陝餉項軍火

轉運均由陸路事體繁重現於湖北省城設立

後路糧臺遣員沿途察勘設局接運俟諸務就

緒郭松林等募練成軍即督催分起前進昨准

河南撫

臣

李鶴年函稱陝匪有竄鄂之說請即

豫籌堵扼

臣

已飛飭提督譚仁芳速撥兩營往

紮河南浙川之荆子關以扼商南竄路仍分隊

聯紮河日樊城以固邊防署督

臣李瀚章日內

抵鄂即交卸篆務剋日起程奏入

上命軍機大臣傳諭李鴻章李鶴年曰據李鴻章奏稱

西北地形平曠回騎飄忽非馬隊無以制勝已令郭

松林派員趕募馬步隊共十五營周盛傳趕募馬隊

四營並由鄂入陝餉項軍火遣員沿途察勘設局接

運所籌均屬周妥著即趕緊辦理以資援剿本日據

平定回疆方略卷三十六

十四

劉典奏陝軍追剿內竄回匪及附入游勇捕斬殆盡

餘匪折竄甘境各情已諭知左宗棠等分別籌辦矣

惟陝西留兵無多甘回股數甚衆雖據劉典奏稱該

省現無賊蹤而竄回餘匪難保不復行勾結東犯陝

疆且據奏花馬池定邊甯條梁附近一帶尙有賊蹤

亟應趕緊堵剿李鴻章著仍俟李瀚章抵鄂及郭松

林募練就緒時即行督軍入陝妥籌剿辦至摺內所

稱陝匪有竄鄂之說該督已令譚仁芳撥出兩營往
紮河南浙川之荆子關要隘以扼商南竄路並分隊
聯紮河口樊城以固邊防卽著檄飭該提督督令在
防將士實力嚴防毋令匪蹤闖入豫省距陝匪遙尤
須早爲堵禦著李鶴年迅撥勁旅會同鄂省所派各
軍聯絡聲勢以遏寇氛其潼關一路並著飭令馬德
昭悉心防守毋涉疏虞

平定回疆方略卷三十六

十五

十二日戊寅李宗義奏言准宋慶咨稱二月十六
日有回匪竄至蒙地雪背溝一帶經駐紮沙梁
之副將程允和及宋慶所派總兵馬玉崑等帶
隊會剿十七日回騎五六百人攻撲炭窰程允
和馬玉崑等各率馬步衝殺陣斃百餘人餘衆
奔逃我軍追至鎮羌以西沿途擒斬尤多其西
南草地大股回匪經蔣東才派副將姜桂題等

由榆林防所督隊追剿二十三日追至神木縣
屬之皮家溝該處山勢險峻逆衆下馬死拒我
軍槍礮轟擊斃賊甚衆生擒五十餘名供稱頭
目馬復隴索興均已陣斃餘衆竄至榆林正北
之孟家灣蔣東才帶領各營馳至該處衝擊十
餘次賊不爲動當飭各營繞後兜擊短兵相接
鏖戰三時之久賊衆紛紛潰敗計擒斬千餘名
奪獲馬匹器械無算查該逆分竄雪背溝孟家
溝等處勢甚兇悍各將弁奮勇力戰疊獲勝仗
實足大挫賊鋒其尤爲出力之總兵胡保林遊
擊劉知儉都司黃義之懇

恩從優給獎以示鼓勵

李宗義又奏言前奉

諭旨飭豫軍赴甯夏會剿臣查宋慶一軍駐紮神木馬

平定回疆方略卷三十六

十六

步共十六營前經分撥五營派提督劉廷管帶
於二月十三日向總金碓口一帶前進以顧甯
夏運道詎此軍甫拔該逆卽乘虛竄擾雪背溝
孤山開花川等處又有大股竄至孟家灣宋慶
因兵單不敷勦辦復檄蔣東才會勦現在蔣東
才一軍既難撤回而沙梁木河溝又有賊蹤宋
慶各營若遽移動恐神木府谷皆爲賊藪榆林
更成孤立且包頭至甯夏相距千數百里平沙
瀾漫處處可通設殺軍前進該逆再有大股繞
出其後斷我糧道竊伺包薩何以應之臣愚以
爲劉廷所帶五營旣赴甯夏其餘各營應俟榆
北肅清再行北進將來駐紮總金一帶作爲雕
勦之師遙爲甯夏聲援旣可疏通金順張曜糧
道並可力顧歸綏門戶若必深入重地頓兵堅

壁之下仰食千里之外是何異覆轍相尋耶
同日定安奏言查陝北自定邊失守回勢猖獗
經宋慶飭派蔣東才督隊追勦該提督初敗賊
於馬家溝再敗賊於雪背溝三敗賊於皮家溝
竄逃各匪悉被殲除該將士等晝夜驅馳異常
辛苦雖經李宗義奏奉

諭旨准將馬家溝之役擇尤酌保然該軍踴躍行開一

月三捷實未便沒其微勞仰懇

天恩准將雪背溝出力員弁由臣另案酌保以昭激勸
定安又奏言宋慶一軍共十五營有半計七千
七百五十人駐紮神木府谷一帶西防榆林東
顧河保北扼草地南控陝疆本未便輕爲調動
前因甯夏邊外喫緊前敵糧路不通由金順奏
調殺軍助勦經宋慶分撥前軍五營交提督劉

廷督帶由纏金後套沙金托海一帶前進恐兵力尙單復撥劉景芳馬隊五百名同往並派副都統保英烏爾圖那遜各率所部合力兜擊是劉廷五營係於無可分撥之中設法抽撥爲移緩就急之計現在雪背溝等處竄匪雖截勦獲勝而賊股甚多防不勝防前擾波羅之匪約有二千人現又向草地竄擾該軍南北分防兵力

已虞單薄儻再行西調榆林一帶便無重兵遏截卽日李鴻章大兵由南進勦竄匪北趨何以堵禦且金順奏調殺軍之時正值冰橋未解靈州河東回衆不時過河滋擾金順張曜旣須兩路分防又須力攻逆寨兵力故覺不敷近聞河冰已開金積堡援路已斷平羅邊外一帶雖有零匪出沒而張曜行營文報馳遞較速再得劉

廷等軍併力勦除當不至仍前道梗卽平羅南北回逆亦不難次第削平金順等旣無北顧之虞自可悉其精銳專攻王家廠逆寨以目前大勢而論似無藉殺軍援助仰懇

天恩俯念秦晉邊防緊要仍留宋慶一軍駐紮補木一帶截勦竄回俟李鴻章入陝由該督酌撥勁旅替出殺軍俾沿河沿邊不致空虛然後令宋慶

全軍馳赴甯夏儻甯夏情形加緊亟須添兵臣仍飛咨宋慶統軍西進不敢拘執此奏專候准軍

同日金順奏言查陝逆馬正和被勦後旋即遁赴東岸昌貴逆回糾合陝匪及渠口清水等堡逆衆紛擾平洪一帶杜我後路並據副將王玉山報稱陝匪千餘在平羅縣屬楊同堡盤踞王

家瞳回目王三春等屢次遞稟乞降願繳馬械等語臣與張曜悉心酌議該逆現擾平洪等處兩軍運道不通糧餉軍火萬分缺乏且後套總金一帶時有賊蹤既恐日漸東犯更慮蹂躪糧區自應先其所急分兵剿辦遂派協領常福總兵汪德才遊擊曹正興都司王德標各率所部會嵩武軍統領總兵孫金彪於二月十二日由

平定縣志卷之六

三

洪廣接剿而北一面批飭王三春遵繳馬械聽候覈辦十三日我軍馳抵平羅該逆馬步二千餘人屯聚黃渠橋以南常福等於十五日分隊前進該逆拚死抗拒鏖戰逾時斃賊甚多敗賊向東南奔竄我軍進紮石嘴山沿途殺賊六七百名生擒賊目馬永等二十餘名我軍陣亡披甲玉山楊太發常喜永保圖吉喜爾等五員十

六日石嘴山迤西之水溝地方有另匪千餘人常福等復帶隊進攻賊向東南遁去常福等追至黃渠拐子抄出賊前攔頭截擊賊衆潰敗我軍乘勢掩殺斃賊無算日暮收隊分紮石嘴山平羅縣餘賊向渠口堡遁去臣隨飭常福馬隊徑往磴口三道河等處會同嵩武防營接剿邊外竄匪接運糧餉飭汪德才暫紮平羅曹正興王得標駐紮洪廣聯絡聲勢一面會商張曜再抽撥數營扼紮黃渠橋等處以杜北竄王家瞳自乞撫後馬械糧石雖經陸續繳出究無成數現復勒限清繳並令將悍酋王德王魁王三瞎子縛獻如能恪遵擬姑准降以便騰出兵力先清北路

金順又奏言前准左宗棠咨令在甯郡辦糧接

平定縣志卷之六

三

濟湘軍當將爲難情形據實具奏茲復准左宗棠咨稱由臣同張曜於存糧內各借一二百萬斤接濟湘卓兩軍等語臣再三籌維本應不分畛域力圖兼顧臣維劉松山金運昌雷正綰各軍均經借撥糧米實已竭盡心力況現在情形就地既無可辦之糧後路運道又復梗阻兼之駝隻缺乏轉運不繼萬無餘力籌濟湘卓之糧

平定縣志卷三十六

三十三

臣已切實咨覆該督事關大局懇

恩飭下左宗棠迅速另籌接濟以免貽誤均奏入

上命軍機大臣傳諭左宗棠定安李宗羲金順曰前因甯夏軍情緊急諭令定安等飭令宋慶赴甯會剿原係移緩就急之計茲據定安等奏稱雪背溝等處時有賊股分竄宋慶一軍亟須分投堵剿甯夏道路較前疏通劉廷等軍可敷剿辦現在櫛比喫緊殺軍勢

難驟離所奏自係實在情形是宋慶一軍目下未便移動卽著定安李宗羲知會該提督仍在神木一帶督飭所部截擊竄匪以資得力定安金順卽督令劉廷會合劉景芳烏爾圖那遜等軍沿邊進剿迅掃逆氛毋稍鬆勁王家瞳賊匪現在畏勦乞撫金順復勒定期令其清繳馬械糧石並將悍酋等縛獻始准就撫若能恪遵約束卽著金順設法羈縻騰出兵力肅清北路惟仍須認真防範勿爲該逆所紿後路竄匪業經官軍疊次擊敗金順現檄常福帶隊前往磴口等處接剿並令汪德才紮平羅曹正興等紮洪廣又商令張曜撥營扼紮黃渠橋等處布置尙爲周妥仍著該副都統會同張曜隨時相機籌辦金順前經撥借劉松山金運昌雷正綰等軍糧石尙能不分畛域此時甯郡既難採辦轉運又難暢行自顧維艱實

平定縣志卷三十六

三十四

無餘力接濟湘卓兩營軍食據奏各情尙非推諉所有湘卓兩軍糧食著左宗棠趕緊設法另籌接濟毋令缺乏雪背溝逃竄餘匪經殺軍截剿獲勝尙爲出力其波羅等處股匪著定安仍飭蔣東才盡力探剿免致蔓延孤山鎮羌等處密邇河干李宗義當飭河防將弁認真堵剿毋任竄越定安奏請酌保出力員弁本日據李宗義奏到已明降諭旨將總兵胡保林

平定縣志卷三十六

三十五

等三員獎勵其餘出力員弁著定安會同李宗義擇尤保奏進攻金積堡諸軍聞有退駐吳忠堡之說左宗棠月餘未有奏報殊深座系現在前敵軍情若何賊勢若何著該大臣據實詳細具奏

上諭內閣曰本年二月間回匪竄擾準噶爾旗之雪背溝一帶並分擾榆林之孟家灣宋慶飭令蔣東才等帶隊截剿先後擒斬賊匪多名奪獲馬匹器械無算

在事出力各員尙屬著有微勞自應量予獎勵總兵胡保林著賞加提督銜遊擊劉知儉著以參將留於河南儘先補用並賞加副將銜都司黃義之著以遊擊留於河南儘先補用並賞給敢勇巴圖魯名號其餘出力各員著李宗義會同定安查明彙案奏請獎勵毋許冒濫

定安又奏言據伊克昭盟長貝子巴達爾琥呈

平定縣志卷三十六

三十六

報榆林西北田地方有馬步賊四百餘人竄向東北草地滋擾當飭札奇魯克齊赤樓多爾濟督兵往剿正月二十三日趕至烏拉幹鄂隆地方遇賊接仗殺斃多名二十四日另股六百餘人竄入察漢鄂博漸次東趨官軍遇賊於莫多圖地方鏖戰甚久斃賊三百餘人餘匪向西逃遁二十八日又有竄匪三百餘人在布里業圖

聞

莫多地方亦經官軍擊敗向西北竄去臣仍札飭巴達爾琥加意防剿勿稍疏虞奏入報

平定縣志卷三六 三七

欽定平定陝甘新疆回匪方略卷二百十七 庚午年三月十五日 左宗 奏 金積堡經官軍痛剿賊勢實已衰蹙頃據劉錦棠黃萬友稟稱馬化澂知劉松山陣亡復圖抗拒官軍其詭謀在犯吳忠堡營壘槍永甯洞水口阻葉昇堡運道劉錦棠等以吳忠堡至下橋及永甯洞水口皆形勢所必爭移兵屯紮又因賊路峽口感分洩渠流以灌營壘嚴加戒備正月二十六日賊匪三四千人由金積堡劉錦棠等催隊急進鏖戰甚久賊勢不支官軍乘勝掩殺陣斬悍賊數百名生擒三十餘名奪獲馬械無算我軍弁兵陣亡十七名受傷六十餘名湘皖兩軍糧食自東道梗阻均就河西採運賊騎每乘閒抄掠提督金運昌會商劉錦棠等夾河築壘以資防護二

平定縣志卷三七 一

欽定平定陝甘新疆回匪方略卷二百十七 庚午年三月十五日 左宗 奏 金積堡經官軍痛剿賊勢實已衰蹙頃據劉錦棠黃萬友稟稱馬化澂知劉松山陣亡復圖抗拒官軍其詭謀在犯吳忠堡營壘槍永甯洞水口阻葉昇堡運道劉錦棠等以吳忠堡至下橋及永甯洞水口皆形勢所必爭移兵屯紮又因賊路峽口感分洩渠流以灌營壘嚴加戒備正月二十六日賊匪三四千人由金積堡劉錦棠等催隊急進鏖戰甚久賊勢不支官軍乘勝掩殺陣斬悍賊數百名生擒三十餘名奪獲馬械無算我軍弁兵陣亡十七名受傷六十餘名湘皖兩軍糧食自東道梗阻均就河西採運賊騎每乘閒抄掠提督金運昌會商劉錦棠等夾河築壘以資防護二

十七日胡家堡王洪等寨馬步賊三千餘衆蜂擁而至金運昌劉錦棠各督所部分路追殺賊衆敗潰劉錦棠仍派提督李占春護築新壘二十八日胡家堡之賊千餘距營五六里而陳金運昌率隊迎敵劉錦棠一軍馳至併力壓擊賊賊數百名二月初二日金積堡漢伯堡逆衆四五千圍集板橋圍撲董福祥營盤提督蕭章開

平定回疆方略卷三十七

二

率隊馳援董福祥李雲貴自營內衝出併力掩殺斬擒多名維時冰凍漸解野潦縱橫劉錦棠等相度地勢或開溝疏濬或築隄防堵金運昌駐軍金積西北界秦渠之東切近馬家灘早元堡賊寨初六日會同蕭章開等兜剿金積各堡援賊大至金運昌等奮勇衝殺賊敗過秦渠蕭章開越渠擊之金積各堡繼出悍賊來援劉錦

棠督隊猛撲該逆紛紛向老巢敗遁共斃賊四百名奪獲馬械甚多初八日陝甘各回傾巢而出騎賊數千先近板橋步賊一出正北築寨壩決隄一出正西撲金運昌營壘劉錦棠麾軍援剿瞭見渠隄已決水勢南趨金運昌迎剿之兵已阻於水賊衆林立冒死撲營劉錦棠分中左右三路梟水猛進各軍奮勇衝擊黃萬友用

平定回疆方略卷三十七

三

大礮轟擊賊潰敗斃賊千餘生擒數十名奪獲戰馬尤多初九日五鼓劉錦棠飭金運昌伏兵渠南廢堡黃萬友列陣渠北自率中路之兵修築蔡家橋之壘天甫明金積各堡悉衆來爭劉錦棠按兵不動俟賊越渠撲壘伏兵齊起劉錦棠黃萬友乘勝壓擊賊敗歸老巢其胡家堡王洪等賊復決開山水溝以淹吳忠堡通河西之

道劉錦棠令各營環壘修堰引流入黃金積堡
逆衆復築卡於堡北意在引馬連渠水以困官
軍十一日劉錦棠金運昌令各營攜鉏鍤前進
賊衆抗拒官軍衝入賊陣賊向金積東門敗走
官軍蹣至堡外平卡而還現聞該逆人馬已多
餓斃馬化澂存糧亦難久支所恃以負固者峽
口爲秦漢兩渠上游官軍不能制勝臣擬由靖
遠造船配礮乘河流盛漲駛攻峽口如果奪此
要津庶足制其死命所有此次力戰陣亡各員
仰懇

天恩飭部議卹

左宗棠又奏言雷正綰自峽口挫敗後臣已調
道員黃鼎星速馳援該道員率親兵兩營於正
月二十五日行抵甯安堡商同各軍分隊布置

自率親兵及馬步隊由牛頭山前進二十六日
行抵該處見馬賊數千攻雷正綰營壘正急黃
鼎麾軍猛進左右盪決賊紛紛敗走正追殺間
忽黃渠內伏賊齊出峽口賊亦由後包抄黃鼎
督率將弁下馬力戰斃賊甚多總兵章占雄中
礮陣亡是日金積堡逆賊經劉錦棠擊敗後亦
峰擁前來阻截牛頭山歸路黃鼎見賊勢兇悍
結隊徐退副將吳啟雲楊正華各率所部擊退
山上包抄之賊雷正綰乘賊與黃鼎鏖戰率所
部突圍而出峽口遂仍爲賊踞臣維秦漢兩渠
皆大河分注由永甯洞會流入河是永甯洞者
渠之尾也兩渠皆導源於峽口爲渠之首金積
堡所恃以爲險固正月初三日劉松山晤雷正
綰等卽以峽口緊要商令築壘扼守雷正綰遲